



ODLUKA
o davanju imena gornjoj stanici „Trebevičke žičare“ Ramo Biber
(prijedlog)

Predlađač: Gradonačelnik

Obrađivač: Gradska služba za opću upravu i
zajedničke poslove

Sarajevo, mart 2018. godine



Na osnovu člana 26. stav 1. tačka 2. i tačka 10. Statuta Grada Sarajeva, a u vezi sa članom 73. Statuta Grada Sarajeva („Službene novine Kantona Sarajevo“, broj 34/08 - prečišćeni tekst), Gradsko vijeće Grada Sarajeva, na sjednici od __ . __ .2018. godine donosi:

(prijedlog)

ODLUKU
o davanju imena gornjoj stanici „Trebevičke žičare“ Ramo Biber

Član 1.

Ovom odlukom Grad Sarajevo daje ime gornjoj stanici „Trebevičke žičare“ Ramo Biber.

Član 2.

Ovlašćuje se Gradonačelnik Grada Sarajeva da preduzme sve potrebne aktivnosti u cilju realizacije ove odluke.

Član 3.

Ova odluka stupa na snagu danom donošenja i objavit će se u „Službenim novinama Kantona Sarajevo”.

PREDSJEDAVAJUĆI GRADSKOG VIJEĆA

Igor dr. Gavrić

Broj:
Sarajevo, __ . __ .2018. g.

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 26. stav 1. tačka 2. i tačka 10. Statuta Grada Sarajeva kojima je propisano da Gradsko vijeće Grada Sarajeva ima nadležnost da donosi odluke, druge propise i opće akte i daje njihovo tumačenje, kao i da upravlja i raspolaze imovinom Grada Sarajeva.

RAZLOZI DONOŠENJA

Gradsko vijeće Grada Sarajeva je na sjednici održanoj 26.04.2017. godine podržalo inicijativu Predsjedavajućeg Gradskog vijeća Grada Sarajeva Igora dr. Gavrića za davanje imena objektu gornje stanice „Trebevičke žičare“ Ramo Biber, a nakon okončanja izgradnje.

Predsjedavajući Gradskog vijeća inicijativu je obrazložio na sljedeći način:

„Grad Sarajevo trenutno implementira Projekt „Izgradnja nove Trebevičke žičare i pratećih objekata“, koji je od velikog komunalnog, privrednog i turističkog značaja za grad Sarajevo, a koji za Sarajlije ima i dodatnu sentimentalnu vrijednost, jer je sarajevska žičara svojevrsni simbol grada. Ratna i agresorska dejstva su u cijelosti devastirali Trebevičku žičaru i njenu kompletnu infrastrukturu. Među prvim žrtvama krvave sarajevske apokalipse koja je počela u proljeće 1992. godine nalazi se ime, nepravедno zaboravljenog, Rame Bibera, radnika tada gradskog komunalnog preduzeća Gras, koji je 02.03.1992. godine mučki ubijen na radnom zadatku, dok je na gornjoj/dolaznoj stanici Trebevičke žičare obavljao dužnost strojara i obezbjeđivao Trebevičku žičaru i pazio na protivpožarnu zaštitu. U dostupnoj dokumentacijskoj građi o ratu u BiH i Sarajevu navodi se da je tog kobnog dana veća grupa nepoznatih naoružanih ljudi opkolila gornju stanicu žičare, a da su trojica od njih odmah pokušala ući u objekt tražeći od Rame Bibera i drugog strojara žičare Abdulaha Rizvanovića da im objekt predaju i isti napuste. Uvidjevši da su opkoljeni i da im prijeti opasnost po život, Ramo i Abdulah su skočili iz stanice i pojurili kroz šiblje i šumu trasom žičare prema gradu. Za njima su vojnici rafalno zapucali i tom prilikom je Ramo Biber usmrtljen hicem u leđam i stomak, a kasnije i pucnjem u sljepoočnicu. Ramo je pronađen mrtav u blizini trećeg stuba Trebevičke žičare. Prema dostupnim saznanjima, za ovaj zločin i ubistvo Rame Bibera nitko nije krivično odgovarao. Iza Rame Bibera ostala je supruga i sin. Ramo je ukopan na gradskom groblju Vlakovo. Ramo Biber je danas zaboravljen i malo je poznato da je Ramo Biber bio jedna od prvih žrtava rata i ratnih dejstava u Sarajevu, da je bio uposlenik sarajevskog komunalnog preduzeća Gras koje je upravljalo Žičarom, da je mučki ubijen na radnom zadatku braneći sarajevsku žičaru i svoj grad. U Raminoj borbi i žrtvi ogleda se borba i žrtva i hiljade ostalih Sarajlija i djece, a davanjem imena objektu gornje stanice Trebevičke žičare, nakon okončanja izgradnje, odat će im se pošta na pravi način i bit će sačuvani od zaborava.“

Imajući u vidu navedeno Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove odluke nisu potrebna.